

甯陵縣志卷之三

建置志

周禮闕冬官補以考工記甚纖悉迺於營建之等列
規制畧而弗具時至春秋諸侯僭大夫竊臺門旅樹
種種貽譏矣秦漢而下易封建而郡縣縣有官官有
事有事必有蒞事之所其規模大概相同由縣等而
上之有差不紊法至善也然其間寬隘華樸或備或
闕之間亦甚不一矣故如公署廨舍倉庫之類各邑
例各志之志之者何蓋昔之所有而後或毀毀而復

重刻甯陵縣志

卷之三

建置

一

修眾將日舊有是也非厲我也使昔之所無而驟興
一役動一旅耳目能無駭乎心志能悉協乎是故君
子慎之不越度而過不因陋而不及皆於志乎是賴
作建置志

公署

縣治在城內萬壽街東鐘樓之西前闊二十丈一尺
後闊二十七丈四尺長四十七丈八尺東至小官街
西至曹三省南至官街北至史宗堯其地十八畝七
分七釐五毫宏治十四年圮於水正德四年知縣吉

容重建

大堂三間東西各一間爲銀庫知縣楊輔建

鑾駕庫三間在大堂東知縣熊秉元建今廢之

庫樓二間在鑾駕庫之東西向知縣熊秉元修

什物庫三間在東三房北

贊政廳三間在大堂西

後堂三間在大堂後知縣費槃重修

知縣宅正房五間東西房各三間

書房四間

重刻寧陵縣志

卷之三

建置

二

典史宅廳三間正房三間東西各三間書房二間廂房東西各二間

六房在大堂前東西共十八間知縣熊秉元重修承

發司一間西三房南

舖長司一間東三房南

外廚房三間後堂西

吏廨在六房後原是草房傾圮熊秉元易之以瓦且增其數凡三十四間

戒石亭在正堂前今易爲坊

寅賓館在二門外東南共房六間熊秉元建
土地祠在儀門東

獄二

監在儀門內之西共房十二間

倉在大門內之東共房八間熊秉元增修

儀門三間

角門二在儀門東西

大門三間卽鼓樓今壞

旌善亭一間在大門外之西

重刻甯陵縣志

卷之三

建置

三

申明亭一間在大門外之東

陰陽學三間在申明亭之南西向熊秉元修久廢

醫學三間在旌善亭之南東向熊秉元修久廢

鐘樓在縣治之東熊秉元建今壞

以上公署前明崇禎年間悉爲寇燬我

國朝順治八九兩年知縣侯國泰率七鄉之士民修而
復之

察院在儒學東前闊八丈七尺北闊八丈長三十一
丈七尺南至官街西至儒學東北二至喬家共地三

畝二釐知縣陳炫重修

正堂三間

穿廊三間

後堂三間

書吏房三間

廚房三間

皂隸房東西各三間

大門三間

儀門一間

角門二在儀門東西以上於明崇禎年寇變盡燬

國朝順治十年知縣任天祚督修照舊

按舊志載布政司及按察司所在以下共十一條志之甚悉及今有房廢而址存者有址亦不可考者然

重刻寧陵縣志

卷之三

建置

四

概刪而不錄則侵占者愈無所懼矣故備錄如左

布政司在東大街之北闊四丈六尺長二十丈八尺

南至官街東至郭麟生西北二至喬宏鎮地一畝五

分九釐九毫陳炫建制規與察院同明崇禎年寇燬

址猶存

按察司在東大街北闊五丈七尺長十六丈八尺南

至官街東西北三至胡斌地一畝五分九釐六毫陳

炫建制規與察院同崇禎年寇燬舊址猶存改爲養

馬之所

甯城驛在東大街之北前闊六丈北闊六丈一尺長十五丈三尺南至官街北至王成文路智東西二至孟培祐魯禎地一畝五分四釐三毫嘉靖二十九年知縣石陞修舊有廳房三間庫房一間後房三間獄房三間門樓一間吏書三間久廢

馬廐正統間知縣李衷建房百間爲養馬所今廢

柳河集公館在柳河集之北路東闊五丈三尺長十七丈七尺南至解繹北至戒秀東至整無西至觀音寺共地一畝五分六釐三毫嘉靖三十六年知縣楊

重刻甯陵縣志

卷之三

建置

五

侃建生員王養浩有記舊有廳房三間東西房各二間門二重久壞址猶存

桃園關巡檢司在集北盡處闊六丈長二十丈東至唐時敏西至王經南至趙儒北至考城縣界共地二畝久廢

傳舍共五處俱壞

總舖在縣前陰陽學之南一間今廢

東十里舖南北長七丈五尺東西闊九丈五尺共地一畝九分八釐舊有正房三間久廢址存

西十里舖南闊十七丈北闊二十一丈東西長各十六丈五尺共地五畝三分二釐五毫舊有正房三間久廢 址存

陽驛舖在縣西二十里陽驛集街南前闊八丈九尺後闊九丈長三十四丈東至石廷甫西至王思賢南至大路北至官街共地五畝七釐一毫六絲共房七間大門一間今廢

夜巡舖八東門內一間東街路北一間北門外一間北門內街東一間西門內街北一間西街路北一間

重刻寧陵縣志

卷之三

建置

六

南門外一間南街東小隅首一間今址存

舊志云記大事耳瑣細毫釐何志焉吾懲舊事矣水池馬厰存沒啟數年不決之訟設典籍可據只一開卷之力爾此語甚善一字不敢增損悉如舊存載云續修

咸豐九年公署察院俱燬於寇知縣寄居南大街路

西典舖

宅主王光烈

典史寄賃民居六房寄南大街

路西同治十三年知縣李福沂修獄於故址

倉庫

舊志載倉三處

一在東門外甕城內久壞

預備倉舊在觀音寺東嘉靖廿四年傾圮知縣陳炫
移建於縣治內東十間舊基廢爲養濟院嘉靖四十
四年知縣熊秉元移養濟院於東關因預備倉舊基
而創置焉

社倉長十丈二尺闊十三丈北至太乙街西至社學
東南俱至萬壽街共地一畝六分二釐六毫廢倉六
間小倉房七間今址僅存

續修寧陵縣志

卷之三 建置

六

續修

按府志云常平倉在縣治頭門內衙內倉在監獄北
咸豐九年俱燬於寇光緒四年知縣朱永清典岳姓
宅房十間移建常平倉於西大街南十六年知縣錢
繩祖移置西大街北北屋五間東西各五間大門一
間門西房四間

捐穀倉廩房二十間在南門西乾隆五年題建今廢
社倉四處在各鄉每鄉二間今俱廢

舊街巷

東大街 自東門至大隅首是闊三丈

西大街 自西門至大隅首是闊三丈

南大街 自南門至大隅首是闊二丈五尺

北大街 自北門至大隅首是闊二丈七尺

小宮街 在縣治之東鐘樓北衝大街是闊一丈五尺五寸

萬壽街 自古治坊至觀音寺是闊二丈四尺

重刻寧陵縣志

卷之三 建置

七

懷仁街 在縣治前自古治坊至鐘樓是闊二丈五尺

附新開街巷八道 申詳見後

甯陵縣知縣熊秉元為開街保障城池事查得本縣

城內東南一隅節因水澇淹沒其地久為汙池難以

召民居住以致縣治大半空虛且城垣卑隘內外疎

虞防守既難每多失事如嘉靖三十年強盜越城劫

掠由此而進嘉靖四十一年獄囚越城逃走由此而

出往鑿甚明思防貴預近因天旱水乾前地始出據

七鄉里老各稱乞請開立街道分召鄉民趁時填築

蓋房居住誠於保障有資官民兩便隨委公正官員丈量畝數因其高卑定價三等任民分插量力修蓋所納官價陸續貯庫登報循環取實收繳再照本縣城外原有海濠先年黃河淤塞勢反高於城中以故濠水常涸城勢愈卑險不足防難以捍衛抑且城中之水無從通洩一向環浸四隅每遇夏秋淫雨縣廳無異陂池前官曾議鑿池洩水又因工費艱難每發輒止如蒙俯允前議卽令各民就濠取土修墊房基其起土不盡者然後本縣募夫量加挑濬并於城東

南隅開甃水門使城中之水盡洩於濠其募夫等項工費卽於前項地價銀內支給事完造冊繳報則濠水深險而城勢增高外旣可以戒不虞民得安居而縣治充實內且可以消水患庶乎可一舉三利亦不勞民傷財亦興利弭害之一端也申蒙

欽差巡撫河南戶部右侍郎兼都察院右僉都御史遲批此舉官民兩利惠而不費之美政也依擬速行繳

崇文街 自鐘樓東至城隅是闊一丈三尺

順化街 自縣治前直抵南城下是南闊一丈五尺北

旌忠街 在旌忠廟前自東城下西衝順化街是闊一丈五尺

懷賢街 在程夫子廟後自東城下西衝多士巷是闊一丈

陽和街 自東城下西衝崇正街是闊一丈五尺

崇正街 北衝東大街南抵城下是闊一丈九尺

太乙街 自火帝祠西向轉北又折西向復轉而之北衝西大街是闊一丈八尺

多士巷 在程夫子祠西北衝崇文街南抵旌忠街是闊一丈

官馬道四 各闊一丈五尺

官水池 在旌忠祠東闊十五丈長二十三丈五尺東至官馬道西至旌忠祠北至懷賢街南至旌

重刻寧陵縣志 卷之三 建置

忠街共地五畝 八分七釐五毫

續修

自被水被寇城中四隅各成大澤官廨民居燬沒變

更俱非其址今惟四大街照舊懷仁萬壽太乙有街

小官崇正順化懷賢有路餘俱湮

坊第

坊第之建所以旌賢哲而樹風聲也故制為經費於

坊牌一項或額以數金或額以數十金非厚之以財

也俾有所資以傳其名於不朽用以礪世磨鈍法莫

善焉乃甯陵所載坊第十數處今存者僅矣將無坊廢而名亦湮乎於士夫建坊之意云何於朝廷予之建坊之意云何曰所賴以廢而不廢湮而不湮者有志存焉爰備記之

續修

沙隨古治坊

在懷仁街之西知縣熊秉元建今廢

興賢坊

在文廟之東久毀

育才坊

在儒學之西久毀

天官坊

在北街隅首為勅贈吏部郎中呂得勝立明季寇毀

續修甯陵縣志

卷之三

建置

十

勅贈監察御史坊

在南街為喬敏立明季寇毀

少方伯坊世科坊

俱在南街為進士喬恕舉人喬寵立久壞

宮臺清要坊

在東街為兵部侍郎胡守中立明季寇毀

畫省分謨坊

在西街為知府范廷議立明季寇毀

甲榜紹先坊

在南街為進士劉鑑舉人劉一鵬立今廢

天官坊

在東街崇正街左右二座為勅封吏部郎中黃卷黃克念立明季寇毀無跡

解元坊

在西門內為戊子科中式王印立今廢

節壽坊

在西街為百歲節婦張氏立今存

以上皆舊志原載坊數今攷訂之

喬門三節坊

康熙三十二年為生員喬宏鉞繼妻曹氏及長媳成氏生員喬爾聰妻次媳解氏生員喬爾詰妻立在東街今曹氏坊廢成解二坊存

純孝坊

雍正五年為增生李日沆立在東街今存

一代完節坊

乾隆元年為張聯璧妻呂氏立在西街今存

節孝坊九

一為附監生史文珣妻張氏立一為李法祖妻梁氏立一為張盛治妻任氏立一為生員路元良妻徐氏立一為生員黃欽側室馮氏立一為監貢張潞妻盧氏立一為鄭履仁妻楊氏立一為黃克家妻赫氏立一為胡于陳妻喬氏立張氏坊在西街梁氏坊在東街盧氏坊在南街今存

節孝坊

乾隆七年為李孔昭妻蔡氏立在東街今存

續修寧陵縣志

卷之三

建置

十一

節孝總坊

咸豐元年立在東街今存

砦堡 增

舊無砦堡承平志也自咸豐三年粵匪煽亂捻匪蜂起鄉紳起義遵諭團練八年秋創建華寶砦兵糧儲富可恃無恐嗣是各團仿築保障居民裨益非尠是宜志附建置後

許莊砦 城東十里

翟樓砦 城東北十五里

趙村集砦 城東北二十里

大孔集砦 城東北二十五里

續修寧陵縣志

卷之三

建置

十二

桃堽集砦 城東北十二里

徐黑砦 城東北十五里

石橋集砦 城北十里

孫遷砦 城北十里

二堡砦 城北三十里

萬集砦 城北十六里

後趙莊砦 城北二十五里

柳河集砦 城北三十里

桃園關砦 城北三十五里

楊樓砦

城北二十五里

劉華橋砦

城西北十里

吳良吉砦

城西北十八里

萬莊砦

城西北二十里

小孔集砦

城西北二十五里

于莊砦

城西北十八里

坡裏村砦

城西北十五里

金相寺砦

城西北十五里

邏岡集砦

城西北三十五里

續修寧陵縣志

卷之三

建置

十三

鄭樓砦

城西北二十五里

胡大莊砦

城西北十八里

趙爾莊砦

城西北三十五里

後呂河砦

城西北二十五里

張坡樓砦

城西十二里

陽驛舖砦

城西二十里

以上二十八砦俱在官道北

張瑞韓砦

城西八里

平樂砦

城西南二十五里

謝集砦

城西南二十五里

郭屯砦

城西南十五里

劉八樓砦

城西南二十里

張弓集砦

城西南三十里

毛樓砦

城西南三十五里

己吾城砦

城西南四十里

黃岡集砦

城西南四十里

大呂集砦

城南十五里

瓦屋劉砦

城南二十里

續修寧陵縣志

卷之三

建置

十四

馬橋砦

城南三十里

華寶砦

城南三十五里

夏砦

城南四十里

史家集砦

城南四十里

溝鄉集砦

城東南二十里

魏砦

城東南十五里

八里曹砦

城東南八里

吳祖師廟砦

城東十五里

以上十九砦俱在官道南